

UGOVOR

o tehničkoj zaštiti objekta

I UGOVORNE STRANE

Arhitektonski fakultet u Sarajevu

Sjedište: Patriotske lige broj 30, 71000 Sarajevo
Koga zastupa dekan prof. mr. Mevludin Zečević
Identifikacijski broj: 4200192800009
(u daljem tekstu: Naručilac)

i

Agencija za zaštitu ljudi i imovine Glock -sigurnost d.o.o. Sarajevo

Sjedište: Muhameda ef. Pandže 199, 71000 Sarajevo
Koji zastupa direktor Esmā Pezo
Identifikacijski broj: 4200431720004
Identifikacijski broj obveznika PDV-a: 200431720004
Transakcijski broj banke, ime i sjedište banke: 1990490005117088 Sparkasse bank, Sarajevo
(u daljem tekstu: Izvršilac)

II PREDMET UGOVORA

Član 1.

Predmet ovog ugovora je nabavka usluga tehničke zaštite objekta zgrade Naručioca usluga putem monitoringa i dojavnog centra a prema Ponudi Izvršioca od 07.04.2017. godine, koja je u prilogu ovog ugovora i čini njegov sastavni dio.

III OBAVEZE IZVRŠIOCA

Član 2.

Izvršilac se obavezuje da:

- poveže alarmni sistem fakulteta sa operativnim centrom pružaoca usluga čije je radno vrijeme 24 sata dnevno tokom cijele godine;
- u slučaju da alarmni sistem registruje bilo koju neželjenu radnju, operativni centar pružaoca usluga kontaktiraće fakultet u najkraćem mogućem roku.
- u slučaju incidenta operativni centar Izvršioca usluga preduzima sve potrebne mjere kako bi se sačuvala bezbjednost zaposlenih i objekta fakulteta;
- dva puta godišnje servisira sistem protivprovalne zaštite;
- dostavi mjesečni izvještaj o nadzoru iz kontrolnog centra, odnosno nadzoru iz dežurnog operativnog centra po zahtjevu naručioca usluge.

Član 3.

Za koordinaciju operativnih aktivnosti na realizaciji ovog ugovora, na način i u ugovorenim rokovima, imenuju se: Esmā Pezo, tel. 061/130-536

- za Naručioca: Fadil Hurić, tel. 061/219-836

IV CIJENA I NAČIN PLAĆANJA

Član 4.

(1) Ugovor se zaključuje u iznosu od 2.808,00 KM (dvijehiljadeosamstotinaosam i 00/100 konvertibilnihmaraka) sa uključenim PDV-om, odnosno 2.400,00 KM (dvijehiljadečetiristotine i 00/100 konvertibilnihmaraka) bez uključenog PDV-a.

(2) Usluge iz člana 1. ovog ugovora će se plaćati prema utvrđenim cijenama iz Ponude Izvršioca od 07.04.2017. godine, koje se neće mijenjati tokom ugovornog perioda.

(3) Za usluge iz člana 2. ovog ugovora plaćanje će se vršiti kako slijedi:

- za usluge tehničke zaštite objekta plaćanje će se vršiti u 12 (dvanaest) jednakih mjesečnih rata, mjesečna rata iznosi: 100,00 KM bez PDV-a i
- za redovno servisiranje sistema protivprovalne zaštite dva puta godišnje, odnosno svakih šest mjeseci po jednom izvršenom pregledu u iznosu od 600,00 KM bez PDV-a.

(4) Naručilac će izvršiti plaćanje najkasnije u roku od 15 dana od dana ispostavljanja fakture, sastavni dio fakture je izvještaj o nadzoru iz člana 2. ovog ugovora.

Član 5.

(1) Pružalac usluga se obavezuje da će prema informacijama do kojih dođe prilikom realizacije predmetnog ugovora odnositi s visokom dozom povjerljivosti i tajnosti, te da iste ni pod kojim uslovima neće otkriti trećoj strani bez pisane saglasnosti Naručioca usluga.

(2) Pod informacijama iz prethodnog stava ugovorne strane podrazumijevaju informacije u bilo kom obliku, odnosno informacije pružene i razmijenjene u bilo kom obliku dokumenta, razgovora ili elektronskom obliku, a koje su izložene od strane koja ih pruža (Naručilac usluga) drugoj strani koja ih prima (Pružalac usluga).

V STUPANJE NA SNAGU I RJEŠAVANJE SPOROVA

Član 6.

(1) Ovaj ugovor stupa na snagu danom obostranog potpisivanja od strane ovlaštenih lica ugovornih strana i traje 12 mjeseci.

(2) Ukoliko Izvršilac ne izvrši ugovorene obaveze u ugovorenom roku, dužan je na ime ugovorne kazne fakturu za izvršenu uslugu umanjiti za iznos od po 20,00 KM od ukupno ugovorenog iznosa za svaki započeti dan kašnjenja do izvršenja ugovora, a najviše do 10% od ukupno ugovorenog iznosa.

Član 7.

Svaka ugovorna strana može pokrenuti postupak raskida ugovora ako druga strana ne izvršava preuzete utvrđene obaveze, uz otkazni rok od 15 dana.

Član 8.

Eventualno nastale sporove pri realizaciji ovog ugovora, ugovorne strane će rješavati mirnim putem, u protivnom ugovara se nadležnost suda opće stvarne nadležnosti u Sarajevu.

VI OSTALE ODREDBE

Član 9.

Izvršilac nema pravo da u svrhu izvršenja ovog ugovora, zapošljava fizičke ili pravne osobe koje su bile uključene u pripremu zahtjeva za dostavljanje ponuda, ili su bile u svojstvu članova Komisije za javne nabavke, najmanje šest mjeseci po stupanju na snagu istog.

Član 10.

Za sve što nije regulirano ovim ugovorom primjenjivaće se odredbe propisa o obligacionim odnosima u Bosni i Hercegovini.

Član 11.

Punovažne i obavezujuće su samo one izmjene i dopune ovog ugovora koje su ugovorne strane sačinile sporazumno i u pisanoj formi.

Član 12.

Ovaj ugovor je sačinjen u 4 (četiri) istovjetna primjerka od kojih svaka ugovorna strana zadržava po 2 (dva) primjerka.



Za Izvšioca

Esma Pezo

Esma Pezo, direktor

Datum: 12.04. 2017. godine

Broj: 175/17



Za Naručioca

Prof. mr. Mevludin Zečević
Prof. mr. Mevludin Zečević, dekan

Datum: 12/04. 2017. godine

Broj: 05-41/44-17